

05 A 471

05  
A  
471






32  
IN NOMINE JESU!

DECANUS

THEOLOGICÆ FACULTATIS,  
IN ELECTORALI WITTENBERGENSIUM  
ACADEMIA,

JOHANNES eutschmañ/  
DOCT. ET PROFESSOR PRIMAR.  
COLLEGII THEOL. SENIOR, TEMPLI  
PRÆPOSITUS, ET ALUMNORUM  
ELECTORALIUM EPHORUS,

OMNIBUS, ET SINGULIS,  
LECTORIBUS,

EX HEBR. XII. 22. seqq.

JURA, PRIVILEGIA,  
NEC NON AXIOMATA  
CUNCTA,

MYSTICÆ CIVITATIS,  
ECCLESIAE,  
COELITUS,

SUIS PRECIBUS DEVOTISSIMIS,  
PUBLICO PROGRAMMATE  
DEFERT!

1694

IN NOMINE JESU!



05 A 477

Accessistis ad Sion montem, & ad Civitatem Dei Viventis, Hierusalem caelestem, & multorum millium Angelorum frequentiam, Et Ecclesiam primitivorum, qui conscripti sunt in caelis, & judicem omnium Deum, & Spiritus justorum perfectorum, & Testamenti Novi Mediatorem, Jesum, & sanguinis adspersionem, melius loquentem, quam Abel, sunt aurea Sancti Spiritus verba, quibus jura, vel Privilegia Christianorum, & mystica Civitatis eorum, plenissime describit, Hebr. XII. 22. 23. 24. Plurima quidem ex his verbis ponderosissimis Mystera notare possemus, cum in iis eorum maxima multitudo reperiat; sed hac occasione solenni, nobis oblata, nonnulla saltem, ex Oraculo laudatissimo, Privilegia colligemus. Septenario vero sacrum Illustrissimorum Privilegiorum Spiritus S. producit. I. Privilegium Christianae, vel Spiritualis Accessionis, vel ambitionis. Honor Christianorum maximus, vereque divinus est, dum jura Civitatis Dei possident, & Privilegia divina communionis obtinent, ac in Titulis Spiritualium Prophetarum, Sacerdotum, atque Regum, resident. Quis ad tantos Honores non accederet? Quis ambitione salutaritantas dignitates non expeteret? Natura corrupti sumus Homines, & nihil boni, nihil dignitatis possidemus. Omnes peccaverunt, & carent Gloria Dei, Rom. III. 23. Sed ostendit nobis Deus misericordiae vias, & aperit salutiferam gratiae januas, ut ex Regno Satanae, in Regnum Messiae, vel Jehovae, ex Civitate Malignantium, & Diaboli, ad Civitatem fidelium, & ipsius Dei, revertamur. Tempore priscae Fœderis quoque vivebant homines sub lege, sub umbris, sub tempestatibus, turbinibus, tenebris, & procellis, sed de Christianis Spiritus Sanctus testatur, & Paulus in Domino gloriatur, v. 18. Non accessistis ad contactum montem fulminibus, & accensum ignem, & turbinem, & caliginem, & procellam, v. 19. Et tuba sonum, & vocem verborum, quam, qui audierunt, deprecati sunt, ne eis fieret verbum, v. 20. Non enim portabant, quod dicebatur, & si bestia tetigerit montem, lapidabitur, aut jaculo configetur, v. 21. Et ita terribile erat, quod videbatur.

Moses

*Moses dixit, exterritus sum, & tremebundus. Hos terrores,*  
*hos tremores, hos ignes, & hæc fulmina, vel alia terricula-*  
*menta, non amplius Christianos exercent, sed potius liberi*  
*sunt ab his omnibus malis; Christiana filiationis, & libertatis*  
*sunt, & ad Deum, Deiq; Civitatem, summa παρρησία semper*  
*accedere possunt. Et hoc nobis ostendit Apostolicum illud*  
**ACCESSISTIS!** *Jura Mystica Civitatis, Privilegia, cum o-*  
*mnibus Dignitatibus filiorum Dei, sunt ipsis destinata, sunt*  
*ipsis parata, VENITE, VENITE! Sequitur accessum, per Ver-*  
*bum, & fidem, II. Privilegium spiritualis immatriculatio-*  
*nis. Matricula spiritualis Civitatis nulli clauditur. Pater*  
*Misericordiarum, II. Cor. I. 3. venientes omnes patentibus*  
*amplexibus excipit; Christus Jesus, omnes, ut Cives, imo fra-*  
*tres, recipit, clamans indefinenter: Venite ad me omnes, qui*  
*laboratis, & onerati estis, Ego reficiam vos, Matth. XI. 28. Spi-*  
*ritus Sanctus, tanquam Scriba principalis, calamo promptis-*  
*simo cunctos Matricula Civitatis, sine dono, sine precio, gra-*  
*tis inscribit, Ps. XLV. 1. Sic immatriculati Christiani in privi-*  
*legiis, & immunitatibus mysticæ Civitatis gaudent. Conspi-*  
*cimus igitur III. Privilegium spiritualis Inhabitationis: Ac-*  
*cessistis ad Sion Montem, & ad Civitatem Dei Viventis, Hie-*  
*rusalem Calem. Magnum in terris privilegium esse vide-*  
*tur, si nobis habitatio non inter bestias in sylvis, nec inter ru-*  
*sticos in vicis, & pagis, nec inter homines incultos in parvis*  
*Oppidis, sed in magnis Civitatibus, inter politos, & virtutibus*  
*ornatos Cives contingat: Major illorum æstimatur Honor,*  
*& Gloria, qui Metropolim alicujus Principis, Regis, aut Impe-*  
*ratoris, incolunt: sed quid de Civibus illis dicendum erit,*  
*qui non terrestris, vel mundani Regis, sed potius Regis Regū,*  
*& Domini Dominantium, Apoc. XVII, 14. XIX. 16, Aulam inha-*  
*bitant, & in ea Domicilium augustum acquirunt. Maximi di-*  
*citur id Honoris, summæ Gloriæ! Spiritus S. in honorem Chri-*  
*stianorum undiquaq; titulos Civitatis colligit, & appetitum*  

A 2

since.

sincerum in iis accendere contendit. Illustrem a. *Gradationem* in *titulis* cumulandis adhibet, & *ternarium*, perfectionis numerum exhibet. *Primus titulus* ab *illustri Typo Civitatem* hanc commendat: *Ad montem Sion* accessistis. *Mons Sion* erat *Arx Davidis*, *Domicilium Regum Judaicorum*, *Typus Ecclesiae N. Test.* Singula haec *Elogia* maxima pariunt meditationum pondera, sed ea nunc ponderare non licet. *Secundus Titulus* ab *Illustrissimo Domino* commendabilem hanc *Civitatem* reddit, dum *Civitas Dei Viventis* appellatur, & peculiariter ad *Ecclesiam militantem N. T.* respectus habetur, qui *Titulo* majorem praeter *Typo V. T. Gradum* refert. *Tertius Titulus* ab *Eminentissimo loco*, vel *Regno*, laudē, & commendationem *Civitati* conciliat, dum *Hierusalem Caelestis* appellatur, quo nomine potissimum *Ecclesia Triumphans* attenditur, quae *supremum Ecclesiae Gradum* citra dubium insinuat. *O Cives fortunatos*, qui *domiciliū* in hac inveniunt *Civitate*, quae tot *Encomiis* omni jure superbire potest. *IV. Privilegiū Spirituales Conversationis.* *Amoenitatem* quidem variam, *situ, statu,* & aliis quibusdā *externis*, *Civitates* incolis suis afferunt, sed *bonesta, jucunda, vel amabilis Civium, amicorū, & Vicinorū, conversatio*, talia superat. *Christiani fideles* accesserunt ad *multorum millium Angelorum frequentiam*, quorum *conversatio* dulcedinem omnem transcendit, & homines extra se quasi rapit: accesserunt itidem ad *Ecclesiam primitivorū, & innumeram multitudinem Electorum*: tandem accesserunt ad *Spiritus justorum perfectorum*, & *conversacionem beatarum Animarum.* *O Gloriam supra Gloriam! O letitiā, supra letitiā!* *V. Privilegium Spirituales Gubernationis,* dum accesserunt ad *Judicem omnium DEUM.* *Deus n. Gloriosus,* est & *universalis* omnium hominum *Gubernator,* & *Universalis* omnium *Bonorum Autor,* & *Conservator,* & *universalis* omnium *Malorū Judex,* & *Ultor.* Hinc non alius in hac *Civitate* *sceptrum* gerit, & ordine pulcherrimo cuncta dispo-

disponit, & innumera gaudia Christianis Civibus parit, quam ipse Deus. VI. *Privilegium Spiritualis Mediationis*, quia Christiani Cives etiam accesserunt ad Mediatorem N. T. CHRISTUM JESUM, qui sua Mediatione Civitatis Mysticæ Fundator est, & Autor, imo non tantum Autor, sed etiã Auctor, Stator, & Conservator, Dominus, & Rex, omnis Gloria, Psal. XXIV. 8. 10, qui Christianis, tanquam membris sui Corporis, præest, & Honores, atque Dignitates inæstimabiles, & innarrabiles, indefinenter parat, & communicat. VII. *Privilegium Spiritualis, & Officialis Interpellationis*, dum non tantum Mediator est à priori, sed etiam Advocatus, Auxiliator, & Interpellator, est à posteriori, siquidem Catholicam, & mere magnum, imo prorsus admirandum ejus Patrocinium, Christiani Cives homines sunt, & à se humani nihil alienū esse deprehendunt, cum variis infirmitatibus, & casibus, obnoxii sint. At si quis peccaverit, Advocatū habemus apud Patrem, judicem, Jesum Christum, justum, qui propitiatio pro peccatis nostris est, non pro nostris autem tantum, sed etiam pro totius mundi peccatis, 1. Job. II. 2. Hic semper sedet à dextris Patris, & pro nobis intercedit, Rom. II. 34. Hujus sanguis, & ejus adpersio, longe melius, imo longe clarius, & plenius, longe durabilius, & efficacius, ciamat, quam Abelis sanguis, omne patrocinium peccatoribus præstat, & omnem salutē parat, confirmat, & consummat. O quam multa, & quam magna de Sanguine hoc Propitiatorio, vel expiatorio, dici possent! Sed illa pluribus ex h. l. persecuturus est MAXIME REVERENDUS, AMPLISSIMUS, & PRÆCELLENTISSIMUS, DN. M. JOH. CHRISTIANUS ADAMI, LUCCA LUSATUS, ARCHIDIACONUS ECCLESIAE PATRIÆ MERITISSIMUS, SS. THEOLOGIAE CANDIDATUS DIGNISSIMUS, AMICUS, ET IN CHRISTO FRATER HONORATISSIMUS, in cujus Honorem ista nunc scribimus. Hic enim, cum in Ecclesia Luthera-

*via concionibus non modo, sed & scriptis publicis, dudum innotuisset, & præclarum sibi nomen quæsiuisset, his diebus, & REVERENDISSIMI, ATQVE SERENISSIMI PRINCIPIS, AC DOMINI, DOMINI CHRISTIANI SECUNDI, DUCIS SAXONIÆ, JULIÆ, CLIVIÆ, AC MONTIUM, ut & ANGRIÆ, ac WESTPHALIÆ, &c. &c, ac ADMINISTRATORIS MARTISBURGENSIS EPISCOPATUS, DOMINI NOSTRI CLEMENTISSIMI, Literas Systaticas ad Collegium nostrum datas attulisset, & simul etiam admissionem ad Specimina consueta Licentia-  
andorum modestè petiisset, & multis gravissimis de causis omnem in hoc negotio favorem obtinuisset, ex hoc Oraculo Lectiones Cursorias, ut vocant, expediturus, & pluribus in Auditorio publico de *Mysteriis* arduis, in eo traditis, verba facturus est: ideo nos ab hujus Oraculi copiosiori declaratione digredimur, & ad *Vita Curriculum*, ex vetustæ consuetudinis Lege, statim progredimur. Natus est CANDIDATUS NOSTER in *Metropoli Lusatorum Inferiorum*, quam *Luccaviam* salutant. Natalis ipsi munere cælesti contigit *Januarii tertius, & decimus dies, Anni M DC LXII.* Ex fato divino *Parentes Primaria Dignitatis* est consecutus, quos per *Dei gratiam* adhuc inter vivos cultu filiali veneratur. Pater ejus VIR NOBILISSIMUS, & AMPLISSIMUS, DN. BALTHASAR ADAMI, *Reipublicæ Luccaviensis Consul, præclare meritis*, qui *Filium* hunc suum è NOBILISSIMA, VIRTUTIBUSQVE SEXUS SUI FLORENTISSIMA, FOEMINA, ANNA MARGARETHA LANGIA, VIRI AMPLISSIMI, ET INTEGERRIMI, DN. JUSTINI LANGII, PRIMARII CIVIS, MERCATORIS, & BENE MERITI SENATORIS, FILIA, per divinam benedictionem edidit. *Novum Dei donum* pios Parentes ad *curæ singularis officium* novum invitabat. Hinc non modo donum hoc ingens naturalis generationis, ex paterna  
na Dei*



na Dei manu suscipiebant, sed etiam, per *Baptismum*, spiri-  
tualis *regenerationis lavacrum*, Deo puerum datum grato  
pectore reddebant, salutem ejus hac ratione promovebant,  
& *Spiritu Sancto*, tanquam *in habitationis mystica templū*, &  
*donorum ejus Ergasterium* piis precibus ipsum offerebant.  
Neq; *Pietas* hæc *Religiosorum Parentum* nullum vidit even-  
tum. Deo quod religiose consecratur, illud multiplici  
*benedictione* coronatur! Sic etiam *Parentes Optimi* sta-  
tim primis *infantia mensibus*, & *annis*, in *Filiolo* suo, per  
*Dei gratiam*, & *bonitatem indolis*, & *sagacitatem mentis*, &  
*capacitatem ingenii*, cum aliis *divinae benignitatis muneri-*  
*bus*, observarunt. Nihil igitur ejus omiserunt, quod ad  
uberiorem horum *bonorum* culturam, & *informationis*  
*privatae* curam faceret, sed operam in omnibus sedulam  
adhibuerunt. *Schola Patriæ Publicæ* datus *Alumnus*, quam  
primum *atas tenerior* id ferebat, neque tamen *privata*  
per *Padagogos* cessavit *industria*. Gratulatur sibi *Noster* de  
*Fidelissimis Præceptoribus, Rectore, DN. M. CHRISTIANO*  
*CRUCIANO*, de *Con-Rectoribus DN. M. JOHANNE*  
*ZIMMERO*, & *DN. JOHANNE SAMUELE SCHAPE-*  
*RO*, t. t. optime de *Re Scholastica* merentibus, nunc autem  
in *Vinea Domini* strenue laborantibus; horum siquidem  
*diligentia, vigilantia, dexteritate, & fidelitate*, profectus  
eos, in *studiis pietatis, bonarumq; literarum*, ut & *moribus*  
*honestis*, sibi comparavit, ut ex *judicio Præceptorum*, &  
*consilio DN. PARENTIS*, & in primis *suffragio Viri Maxime*  
*Reverendi, & Amplissimi, DN. DAVIDIS GRAFÜNDERI*,  
*b. m. Ecclesie Luccaviensis Pastoris Primarii, Consistorii Du-*  
*calis Ecclesiastici, quod Lubena floret, Assessoris, & Scholæ*  
*Luccaviensis Inspectoris*, (qui sua benevolentia privatim  
etiam *ADAMI NOSTRI* *Studia*, præsertim quoad *Hebra-*  
*as, & Græcas literas*, non parum adjuvit, quod grata mente  
recolit,) ad *alias terras, & ad Majores Scholas*, suo cum fru-  
ctudi-

Et dimittendus esset. Hanc ob causam *Altenburgensis*  
*Gymnasia* *Superiores commoti*, *Nostrum* eo destinarunt,  
ut ex *Gymnasticis Exercitiis* sibi plenior ad *Academias*  
habitudinem acquireret. Venit huc *An. MDC LXXIX.*  
& consueta, sibiq; propria diligentia, res suas egit, atq; lite-  
ras, quas humaniores vocant, perficere studuit, & ad hunc  
finem obtinendum constanter ad *pedes DN. M. MARTINI*  
*SAGITTARII, Rectoris Meritissimi*, sedit, ac omnibus *con-*  
*tibus ad majorem perfectionem* contendit. Majores etiam  
ibi *fructus* studiorum industria sua laudabili collegisset,  
nisi *Rectoris laudati* morbus gravissimus impedimento  
fuisset. Nam cum ex *voto*, propter hoc *impedimentum*, ad  
*studiorum metam* properare non posset, ex *consilio AM-*  
*PLISSIMI DN. PARENTIS, sollicitas* pro solidioribus Filii  
profectibus *curas* agentis, à *MAXIME REVERENDO DN.*  
*M. GRAFÜNDERO, Custrinum*, quod Nobilissimum *Mar-*  
*chie Castellum*, ablegatus, & *Clarissimo Viro, DN. MARTI-*  
*NO ZUCKERO, Rectori, florentis* tum temporis *Schola,*  
fidelissimo, de meliori commendatus est. Hic Vir Opti-  
mus strenuam operam omnem adhibuit, & per omne stu-  
diorum genus *CANDIDATUM Nostrum*, ad labores alias  
paratissimum, felici cursu duxit, ut facilem ad *Academias*  
accessum inveniret. Elegit præ cæteris *Nostram WITTE-*  
*BERGAM*, quam, ceu *studiorum suorum Matrem*, coleret,  
& per omnem *Vitam* magni faceret. Venit ad Nos, non  
absque nutu divino, dum & internam apud se cordis incli-  
nationem sentiret, & *Parentum, Patronorum, atque Prece-*  
*ptorum*, constantem in eo consensum non semel audiret.  
*An. MDC LXXIX. Rectori t. t. MAGNIFICO, DN. D.*  
*GODOFREDO STRAUSSIO, JCTO, hodie Juridice Fa-*  
*cultatis ORDINARIO, & ELECT. ac PRINC. ANHALTIN.*  
*CONSILIARIO, &c. fidem Academicam* dedit, atq; *jura cum*  
*Privilegiis Universitatis* accepit, *Beneficium publicorum*  
pri-

privilegiorum acceperat, ad officium ergo laborum, & Studiorum promptus accedebat, dum firmiter animo statuebat, quod Beneficium detur propter officium. Omne proinde studiorum Academicorum officium intendere non solum, aut verbis prætere, sed omnibus viribus attendere, proposito firmissimo secum decrevit. Ne vero per consortium malorum ab hoc instituto, vel statim sub accessu, vel etiam successu temporis avocaretur, B. DN. ANDRÆ SENNER-TI, totius Academia SENIORIS, & Prof. LL. OO. Publici, tum domicilium, tum convictum, elegit, & in contemplatione Virtutum Tanti Viri, per omnem Vitam Academicam, constanter permansit. Prudenter autem Studiis suis consulere voluit, dum per Apparatum Philologia, & Philosophia, consuetum, ad SS. Theol. Studium sibi viam parare constituit: Illas ut non adeo difficulter, sed satis feliciter penetraret, manu ductorum operam adhibuit. Primum igitur Prae-cellentissimos Dnn. ADJUNCTOS sectatus est, & in primis DN. ADJUNCT. M. JOHANNEM WOLFIIUM, post SS. Theol. Doct. & Pastorem Wernigerodanum, totiusq. Comitatus Superintendentem, & DN. ADJUNCT. M. GEORGIUM SCHWARTZIUM, itidem Mox SS. Theol. Doct. & Primarium Stargardiae Pastorem, atque Praepositum, t. t. in celebritate Studiorum istorum versantes. Adjunxit statim EXCELLENTISSIMORUM quoque DNN. PROFESSORUM labores Philologicos, & Philosophicos, ut ex illis uberrimos studiorum fructus sibi colligeret, qua de causa perpetuam industriam probavit Venerando DN. HOSPITI, DN. CONR. SAM. SCHURZFLEISCHIO, DN. CHRISTIAN. DONATI, & Reliquis Prof. Publicis, & in Scholis Ipsorum has Eruditionis copias coegit, ut illæ ne utiqvā intra privatos parietes contineri possent. Confidenter in publicū illæ prodierunt, & felicibus praeliis victoriam ex victoria retulerunt. Primum enim Eruditam de Imputatione Moralium Actionum Dispu-

B

tatio.

rationem conscripsit, & sub *Præsidio, t. t. Præcellent. Dn. Adj. M. REMLINGII*, postea *Gryphiswaldia Log. & Metaphys. Prof. Ordin. & SS. Theol. Extraord.* cum laude masculæ defendit. Mox in variis *Examinum*, & aliorum *laborum periculis*, ad *Summos Philosophorū Honores* obtinendos, res suas optime gessit, & Anno *MDC LXXXI*, sub *Brabeuta DN. SCHURZFLEISCHIO*, *MAGISTERII Titulum* meruit, non ad *ambitionem*, sed ad *laborum utilissimorum multiplicationem*. Nam & *Labores* pariunt *Honores*, & *Honores* contendunt ad *Labores*. Hinc *Noster* sub *Præsidio EXCELLENT. DN. DONATI*, per *ποικιλογύμνασμα Philosophicum*, cum applausu publice ventilatum, & *potestatem privati Lectoris*, & *Publici Præsidis*, sibi, consentientibus *Patrum suffragiis*, acquisivit, & pluribus *Eruditionis solidioris documentis*, utpote *De Gradibus Necessitatis*, *De scientia nihil sciendi Socratica*, *De Osculo Papæ*, &c. *famam non vulgarem in Academia* peperit. Sed hæc, & alia potissimum ad *Theologiæ culturam* tendebant, & vario certamine contendebant. Hæc enim *prora, puppisve Studiorum omnium* Eidem erat. Hanc in *scholis* amaverat, hanc in *Academicis Exercitiis*, atque *curriculis*, suæ felicitati destinaverat, hanc *totius vitæ metam* semper ordinaverat. A *primis* igitur *Academica vitæ diebus* *Theologia* fuerat *Alpha*, fuerat *Omega*. Semper hoc in *deliciis* habuit, ut inter *Auditores Theologorum* non modo scriberetur, sed inter *Eorum diligentissimos Admiratores* recenseretur. Inter *præcipuas vitæ suæ felicitates* numerat, quod *Theologos summos* audire, *Beatissimosq; Viros*, nim. *B. CALOVIUM*, *B. MEISNERUM*, *B. QVENSTEDIUM*, nunc inter *Beatos Calites triumphantes*, instar *Præceptorum*, venerari potuerit, ex quorum ore *SS. Theologiæ Mystera*, variis in *scholis*, cum voluptate summa percepit. De *Meis* certe *Collegiis*, tam *privatis*, quam *publicis*, testari possum, quod in *his perpetuum*, quamdiu nobiscum vixit, se *Commilitonem* exhi-

exhibuerit. Neque *vulgarem Studiosorum diligentiam*,  
præ se ferre tum mihi videbatur, sed potius eorum vigi-  
lantiam masculam æmulabatur, qui suo tempore, vel inter  
*primos*, vel inter *medios*, in Ecclesia computandi suo meri-  
to dicebantur. *Spiritus enim Sanctus* in *Filiis* etiam *Pro-*  
*phetarum* sua *dona*, cum primis *Ministrantia*, coronare con-  
suevit. Et, si Deo visum ita fuisset, & in *Philologicis*, & in  
*Philosophicis*, & in *Theologicis*, ad ulteriorem perfectionem,  
*Noster* *Academica* sua *Studia* libens evexisset, præsertim,  
quia *Gratia singularis* REVERENDISSIMI, AC SERE-  
NISSIMI PRINCIPIS, AC DOMINI, DOMINI CHRI-  
STIANI I. BEATISS. RECORDATIONIS, DUCIS SA-  
XONIÆ, JULIÆ, CLIVIÆ, AC MONTIUM, NEC NON  
ANGARIÆ, ET WESTPHALIÆ, &c. &c. POSTULATI  
MARTISB. ADMINISTRATORIS, accedebat, quæ *lautū*  
*satis Stipendium* Ejus Studiis clementissime decernebat.  
*Vota* cuncta *Nostrum* eo ducebant, ut hac *Gratia Munificen-*  
*tissima* fruereetur, & *Academicam Studiorum, Theologorum*  
in primis, *telam* prosequeretur. Sed aliter id *Fata* dispone-  
bant, Nam An. MDCXXCIV. *PATRIA* *Dilectissima*, præter  
omnem opinionem, Eidem, ad altiora contendenti, *Diacono-*  
*natum* offerebat. *Dilectissimorum* etiam *Parentum*, &  
*Necessariorum, Voluntas* annuebat. Alia multa pariter id  
urgebant. Habebat autem Ipse plurima, quæ *contrariam*  
suadebant *sententiam*. Sed Ipse *precibus* devotissimis cau-  
sam hanc sanctissimam Deo committebat, & *Directi* ni di-  
vinæ mox calculum subjiciebat. In *militia mundana* *Duces*  
*optimi* censentur, qui *functionibus infimis* in re bellica pri-  
mum adfuerunt, & in omnibus experientiam sibi probatissi-  
mā acquisiverunt. Sic in *Dei Nostri militia* pariter à *minimis*  
inchoasse pulcherrimum. Neque *divina Benedictio* lau-  
*dabili* defuit *obsequio*. Nam & *Patria* jucundissimæ *sacra*,  
vereque *grata* præstitit *Ministeria*, *Paterna Familia* pluri-  
ma


ma peperit gaudia, Domum ornavit Nobilissima Virgine,  
MARIA CATHARINA, VIRI AMPLISSIMI, ET PRU-  
DENTISSIMI, DN. JOH. FRIDERICI EXII, Judicis Luc-  
caviensis, & Ducalium Redituum Praefecti, Laudatissima Pri-  
mogenita, Munus Sacrosanctum Anno 1692. Archi-Diacona-  
tus accessione condecoravit, & Labores sanctos Scriptorum  
Publicorum elaboratione ditavit; sicut jam Edita sunt ad Pu-  
blicum Ecclesiarum, & fidelium usum, Explicatio Prophe-  
tia Jona, Concio Penitentialis, ex Jerem. VI, 8. Dissertatio  
contra Crypto-Predicantes, Meditationes in Ecclesiasticum  
Canticum, Herr Jesu Christ meines Lebens Licht; & jam  
ad Prælum, Deo dante, properant, Tractatus de Impossibili-  
tate salutis extra Christum, contra Scriptum scandalosum,  
sub Tit. Brüderliche Liebe/ 1689. edit. Lux Biblica selectissimorum  
Dictorum Biblicorum, quoad brevem, & perspicuam Explica-  
tionem, Lutheranorum Doctrina, & Vita, Meditationes  
Homileticae in Canticum, O Jesu Christ/ du höchstes Gut/  
Pratum viride Confitentis Anima, seu libellus precum, in  
Confessione, & Usu Coenae, adhibendus, &c. Commovit  
hoc REVERENDISSIMUM, ac SERENISSIMUM DO-  
MINUM, DN. CHRISTIANUM II. DUCEM SAXON.  
JULIAE, CLIVIAE, MONTIUM, ANGARIAE, ET WEST-  
PHALIAE, POSTULATUM ADMINIST. EPISCOP.  
MARTISB. &c. &c. DOMINUM NOSTRUM CLEMEN-  
TISSIMUM, ut & ulteriorem Promotionem CANDIDATO  
NOSTRO promitteret, & Gratosissimas ad Collegium No-  
strum Literas, pro Licentiatuura Ejus, scriberet, quam etiam  
Ipse modeste petiit. Admissus igitur Oratione solenni, Die  
Martis, Perendie, Hora IX. Specimina, consuetu LICENTI-  
ANDIS, auspicabitur, ad quam Panegyri MAGNIFICUM  
DN. RECTOREM, PRÆILLUSTRES DNN. BARONES,  
Academiae Patres, & Cives, ac alios Hospites, eo, qua par est,  
affectu, solenniter invitamus! P. P. Domin. IV. post  
Trinit. Anno M DC XCIV.

05 A 471

ULB Halle

3

004 209 311



VDM7

04









32

*IN NOMINE JESU!*  
**DECANUS**  
**THEOLOGICÆ FACULTATIS,**  
**LECTORALI WITTENBERGENSIUM**  
**ACADEMIA,**  
**HANNES Deutschmañ/**  
**CT. ET PROFESSOR PRIMAR.**  
**LEGII THEOL. SENIOR, TEMPLI**  
**RÆPOSITUS, ET ALUMNORUM**  
**ELECTORALIUM EPHORUS,**  
**ANIBUS, ET SINGULIS,**  
**LECTORIBUS,**  
*EX HEBR. XII. 22. seqq.*  
**JURA, PRIVILEGIA,**  
**NEC NON AXIOMATA**  
**CUNCTA,**  
**MYSTICÆ CIVITATIS,**  
**ECCLESIAE,**  
**COELITUS,**  
**SUIS PRECIBUS DEVOTISSIMIS,**  
**PUBLICO PROGRAMMATE**  
**DEFERT!**

1694

